



Inatsisartuni ilaasortat  
Naaja H. Nathanielsen aamma  
Sara Olsvig

### Apeqquteqaammut nr. 175-imut akissut

Asasakka Naaja H. Nathanielsen aamma Sara Olsvig

Inatsisartut suleriaasianni § 37 naapertorlugu imaattumik Naalakkersuisunut  
apeqquteqaateqarpusi:

*Naalakkersuisut soqutigintissinnaavaat naalakkersuinikkut attuumassuteqanngitsunik  
siunnersuisoqatigiinnik avataanit aningaasaliisartunik nalilersuisartussanik Naalak-  
kersuisunullu innersuussisartussanik pilersitsigutta?*

Apeqqummut imaattumik tunngavilersuuteqarpusi:

*Aatsitassarsiornemut naalakkersuisup arlaleriarluni Australia aatsitassarsiorfittut misilit-  
tagalittut maligassiuusutullu saqqummiuttarpaa. Australiami naalakkersuinikkut at-  
tuumassuteqanngitsunik siunnersuisoqatigiinnik avataaniit aningaasaliiniartunik na-  
lilersuisussanik pilersitsiqarnikuvoq. Aningaasaliissutinut nunanit allaneersunut pisari-  
aqartisisupilussuuvugut, taamaattumik periuseq tamakkiisumik periutsilluunniit ilaata  
assilinissaa pilerinarsinnaalluarpoq. Sammisaqarfinnut assigiinngitsunut siun-  
nersuisoqatigiit immikkut ilisimasalinnik inuttalersorneqarsinnaavoq, taamaalillunilu  
naalakkersuinikkut suliaqartunut ingalassimanermik pilersitsissalluni. Taamaaliornikkut  
suliamut ilisimasaqarneq tutsuiginassuserlu avataaniit aningaasaliiniartunut tatiginninne-  
rulernermik kinguneqartussaq pilersinneqassaaq.*

*Eqqarsaatitsinniippoq siunnersuisoqatigiinnik pilersitsinikkut tutsuiginanngikkaluartutik  
aningaasaliiniartutik nalunaartut, aningaasaliinissamut pilersaarutit suliniutillu tutsuigi-  
nanngitsut itigartinneqarsinnaalissasut, taamaalilluni allattoqarfimmi piffissaajarfigi-*

---

Australiamiut aningaasaliisartut nunanit allaneersut pillugit siunnersuisoqatigiivi-  
sa/isumalioqatigiisitaata (FIRB) aningaasaliisartut Australiami aningaasaliinissaminut  
soqutigisaqartut siunnersuutaat misissuataartarpaat. FIRB misissuereernermini Austra-  
liamiut naalakkersuisuinut innersuussusiortarpoq.

30. september 2013  
Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.nanoq.gl

neqassanngimmata. Soorunami Australiami periuseq nunatsinnut inatsisinullu naleqqussartariaqassaaq. Isumaq soqutigintippaput Naalakkersuisullu naliliinerat tusarusullutigu.

Erseqqissarusupparput assingusumik Canadami aaqqissuussaqaamat assigiinngitsunit innersuussutigineqartumik.

### **Akissut**

Ilumoorpoq, uagut Naalakkersuisuni nunani killerni allani aatsitassarsiornikkut misilitagaqarfiusuni avataaneersut aningaasaliissuteqarniartut qanoq pissusilersorfigineqartarnersut soqutigisarigatsigu. Taamaakkaluartorli nunarput nunanut aatsitassarsiornikkut misilitagaqarfiulluartunut sanilliussinnaanngilarput, soorlu Australia aamma Canada, taakkuami aatsitassarsiornikkut ukiut 150-it sinnerlugit misilitagartuupput, nunatsinnullu sanilliullugu allaasumik inissisimallutik. Piffissami matumani Naalakkersuisut immikkut itturnik assigiinngitsutigut ilisimasallit professionelliusut atortarpaat, ilaatigullu Naalakkersuisut nunarsuarmi suliffeqarfiit kukkunersiuisartut siunnersuisartullu annerpaat si-samat sulisitarisarpaat, siunnersortitut isumasioqatigisakkatullu.

FIRB attavigisimavarput annertunerusumik misissorniarlugu, nunanit allaneersunut aningaasaliisartunut misissuinerminni tunngavigisartagaat suunersut. Aningaasaliisartut nunanit allaneersut suliffeqarfimmik annertuumik piginneqataalinnginnerminni imaluunniit australiamiut suliffeqarfiutaannik, 248 mio.\$ naleqartut nalilerneqarsimasumik, nakkutilliisut pigisaqalinnginnerminni naalakkersuisunut ilisimatitsisartussaapput akuerineqaaqaarlutillu. Imaani uuliasioqatigiiffimmut tunngatillugu akuersissummik pissar-sisoqaaqaassaaq suliffeqarfimmi annertuumik piginneqataalernissamik soqutigisaqaraanni, suliffeqarfiup ilanngaateqanngitsumik pigisaat nalillit 248 mio.\$ sinnerlugit naleqarsimappata. Taamatuttaaq malittarisassat atuupput pisortat akuerisineranni akuersissutit, Kalaallit Nunaanni aatsitassarsiornermi inatsit naapertorlugu tunniussani, piginneqataaffigineqartut tunniunneqarneranni

Taamaattumillu inerniliineq tassaavoq Naalakkersuisut pisariaqartinngikkaat siunnersuisoqatigiinnik pilersitsinissaq, nunanit allaneersunik aningaasaliissuteqarniartunik nalilersuisitsisarnissamik siunertaqartumik, Naalakkersuisut maanna misilitagaqarluartunik siunnersortinik atuereermata.

Inussiarnersumik inuulluaqqusillunga

  
Jens-Erik Kirkegaard